



In sabeda ai 27 de Agost él gnü sughé la 2° partida (ritorno) dla Copa Provinzia 2011/2012 de 3° categoria por La Val. La partida é gnüda sugada cuntra le Olang te ciasa. Dô la burta prestaziun fora de ciasa cun le 2 a 2 se á tut dant La Val da mustrè na miú prestaziun tl ritorno.

Mo ince in chësc iad ne é nia stada buna la squadra da La Val da mustrè en bel calcio, suradüt tl prüm tēmp. L' unica buna ocasiun á albü le Olang, cun en bel tiro al volo fora dl area che superèi l'portier da La Val y rōia bel avisa sōn la traversa. En gran tiro che por furtūna ne é nia jü ite. Tl prüm tēmp él gnü sbaglié en grüm de passaggi, soradüt por la gran agresivité di avversars che ne lascia nia sughé le pal.

Tl secundo tēmp él gnü cambié fora dui sogadusc y metü ite dui de fresc, speran che la partida se cambiass insciö. La Val se á impó tres stentè, ai ne ê nia bugn da costruì na bela aziun. A mesa le secundo tēmp vëgnel sciurè fora le portier da Olang, sōn en burt fallo de raziun cuntra Florian vëighel insciö la cherta cōcena. Püch dedô é Daniel Frenes bun da saltè le "uomo" sōn la fascia y se porta insciö sōn le fondo ulache al é bun da mët ite en bel pal sōn le rigore. Florian Rubatscher rōia sōn le pal, al prüm mumënt ne él nia bun da tra ite la pala, mo al é bun da se oje jō portera y mēter insciö le pal te porta. En gol che ti dá sigurēza ala squadra, deache insciö él Olang che mēss bel fá dui goi por jí inant. Ala fin dla partida él ciamò Moling David (en sogadú nü) che é bun da fa en bel gol sōn na poniziun musurada bel dlungia le palo ite. So prüm gol te 3. categoria stlusc insciö jō la partida.

In sabda saral la prüma partida de campionat, La Val mēss ciarè da miglioré le jüch, scno saral dër ri da rovè tles prümes squadre y combater por le campionat.

La proscima partida sarà cuntra Gais (che é tuma jö dala 2.categoria) y che á sciuré fora le Mareo tl prüm turno.

**La foramziun titolara:** Sepl Kantioler, Sottara Werner, Tavella Jordan, Castlunger Maro, Tolpeit Daniel, Nagler Max, Tschaffert Ivan, Sottara Freddy, Rubatscher Romeo, Frenes Daniel y Rubatscher Florian.

**Banchina:** Frenes Egon, Miribung Adrian, Moling David, Elzenbaumer Alex, Alton Alex, Vallazza Paolo, (Rubatscher Klaus, Rubatscher Raimund y Scalzini Marco)

**Sostituziuns:**

Al 45° Alton Alex por Tolpeit Daniel

Al 45° Elzenbaumer Alex por Sottara Freddy

Al 70° Moling David por Rubatscher Florian